

是經本從諸佛宮宅中來去至一切衆生
發菩提心住諸菩薩所行之處善男子是
經如是來如是去如是住是故此經能有
如是無量功德不思議力令衆疾成阿耨
多羅三藐三菩提

無量義經略解

釋智諭 撰

釋智諭撰

無量義經略解

西蓮淨苑出版社印行

新加坡
佛學
研究
會
PDG

無量義經略解 / 釋智諭講述. --初版.

--臺北縣三峽鎮：西蓮淨苑，民72

面；公分

ISBN 957-8435-32-0(平裝)

1. 法華部

221.54

89005641

無量義經略解

■ 講述者／釋智諭

■ 出版者／西蓮淨苑出版社

地址／臺北縣三峽鎮 237

溪東路二一巷卅一弄九號

電話／(〇二)二六七一一九八二

傳真／(〇二)二六七二二九二四

■ 郵政劃撥／一九五三二一八一七 西蓮淨苑出版社

國外匯款抬頭請用：西蓮淨苑出版社

■ 印刷者／宗學社文化事業有限公司

電話／(〇二)二三八一五七一五

(〇二)二三〇五九二七五

行政院新聞局版台業字第陸伍伍號

中華民國七十二年十二月初版一刷

中華民國八十九年五月初版五刷

■ 定價／新臺幣壹佰元整

版權所有 請勿翻印

序言

無量義經係世尊住世後期所說，旨在顯一實諦，宜無量法義。由中天竺沙門曇摩伽陀耶舍傳入我國，隱士劉虬曾爲文以紀其事。略謂：

「……忽有武當山比丘慧表，生自羌胄，僞帝姚略從子也。國破之日，爲晉軍何澹之所得。數歲聰黠，澹之字曰螟蛉，養爲假子。俄放出家，便勤苦求道，南北遊尋，不擇夷險。以齊建元三年，復訪奇搜秘遠至嶺南。於廣州朝廷寺，遇中天竺沙門曇摩伽陀耶舍。手能隸書，口解齊言，欲傳此經未知所授。表便殷勤致請，心形俱至。淹歷旬朔，僅得一本。仍還嶠北，齋入武當。以今永明三年九月十八日，頂戴出山見校弘通。奉覲眞文，欣敬兼誠，詠歌不足，手舞莫宣。輒虔訪宿解，抽刷庸思……云云。」

以上略引劉序，全文見於大正藏第九冊法華部。讀者若欲具悉，可檢經文。今且略引，俾明此經傳譯之梗概。

目錄

序言.....	首一
解經題.....	一
解經文.....	四
德行品第一.....	四
說法品第二.....	三七
十功德品第三.....	六七

無量義經略解

蕭齊天竺三藏曇摩伽陀耶舍譯

釋智諭撰解

解經題

「無量義」

釋迦世尊，秉智運悲，廣爲衆生披宣教義。於一說無量，於無量說一。於一說無量者，於畢竟空中建立一切法也。於無量說一者，一切法悉歸畢竟空也。如此之法，橫徧豎窮，無不賅攝。法性空寂而隨緣徧現，萬象森羅而一寂全收。圓融一如，眞俗不二。故曰無量義。

於一說無量是權智，於無量說一是實智。用權智則於一乘說三乘，約實智則化三乘歸一乘。權而實，雖分別諸法而實無分別。實而權，則以無分別智，分別無量無數無邊諸法。故於一知無量，是差別智境。於無量知一，是無分別智理。佛智不可思議，雖借言說以明，吾人却莫著言說而會。須知無

量義者，離言語相，文字相，心緣相也。

故無量義者，能寂而常照，能知世出世間一切諸法，知世出世間無量諸法皆從一法而出。復能照而常寂，能知無量諸法性原無二。寂則豎窮，照則橫徧，橫徧豎窮，圓融法界。

所以無量義者，卽是法界義。卽是清淨義，平等義，空義，如幻義，不可得義，如如義，不二義，無相義，無作義，無住義，無分別義，無決定義、阿耨多羅三藐三菩提義，乃至衆生界義也。

「經」

梵文修多羅譯爲契經，契有契理契機之義。經有佛說，弟子說，菩薩說，天說，乃至化人說。無論何人所說，凡能上契於佛理，下契於生機者，皆得謂經。

無量義者，謂之別題，以此經獨具故。經之一字，目爲通題，以通於諸經故。

經有七種立題，所謂人、法、喻。此三者有三單三雙一具足，是爲七種立題。而此無量義經，卽以法立題者。

「蕭齊天竺三藏曇摩伽陀耶舍譯」

蕭齊又曰南齊，爲蕭道成所建。蕭道成受於宋禪，國號曰齊，國都於建康。爲別於北齊，故曰蕭齊。

天竺，卽印度也。沙門，於印度無論佛教或非佛教之出家人，通稱沙門。佛教之出家沙門，須是勤修戒定慧，息滅貪瞋痴者。

三藏卽經律論，凡法師通達經律論者，謂之三藏。曇摩伽陀耶舍，是翻譯經人。略歷見於前序言。

解經文

德行品第一

此品在讚佛之德行也。身語意三業清淨曰德，以清淨三業施於衆生成就一切事功曰行。衆生若能清淨身語意，十惡不犯，便可與佛齊德了。

佛於無量劫修積德行，具足三十二相八十種好。其實三十二相八十種好尙是略說，若具足說，佛爲大菩薩示現無量相，相具無量好。佛以清淨法身，爲衆生示現無量色，無量形，無量相，無量好。所謂空性隨緣現，無量相具足。所以經云「而實無相非相色，一切有相眼對絕，無相之相有相身，衆生身相相亦然。」

「如是我聞，一時佛在王舍城耆闍崛山中，與大比丘衆萬二千人俱，菩薩摩訶薩八萬人。」

此是證信序，悉是結集經人語，俾取信於後人也。

如是佛所說，明非我結集經人信口而說者。同時佛確如是而說，我記憶無謬也。我親從佛處聽聞，非道聽途說者也。故曰如是我聞。

佛法流布十方，不便以一國之年代記載，故以「一時」代表之。

佛卽釋迦牟尼佛也，是說法之主。此經爲釋迦牟尼佛所說，非餘佛所說也。

王舍城耆闍崛山中，是說法之處。王舍城在中印度摩竭陀國，頻婆娑羅王時，自上茅城遷來此處。以王舍於此，故曰王舍城。

王舍城周圍有五座山，第一座卽耆闍崛山。卽靈鷲山是也。有云其山頂形似鷲鳥，有云山中多鷲，故名靈鷲山。山在王舍城東北方，世尊居此山中說法最久。

比丘是出家受具的男衆，比丘尼是出家受具的女衆。比丘有三義，一、乞士。二、破惡。三、怖魔。

大比丘之「大」，亦有三義，卽大多勝。大者，言其道德尊崇，在聲聞有學中最尊最極。多者，言其學問深識見多，精通內外經典。勝者，言其得佛教法，知見正眞，勝過九十六種外道。

衆者，僧伽也，僧團也，和合衆也。如是比丘，有一萬二千人在一起。菩薩摩訶薩，具稱應爲菩提薩陁摩訶薩陁。菩提者覺也，薩陁者譯爲有情。菩提薩陁卽覺有情，此有二義，一者，菩薩是覺悟的有情。二者，菩薩自覺，復能覺悟其他的有情。

自覺是上求佛道，覺悟其他的有情是下化衆生。故菩薩者，上求佛道，下化衆生也。

菩薩上求佛道是智，下化衆生是悲。菩薩以智導悲故不住生死，以悲導智故不住涅槃。所謂行空不證者，悲導智也，涉有不著者智導悲也。

所謂摩訶薩是大，菩薩摩訶薩者，卽大菩薩也。如是大菩薩，計有八萬人。

「天龍夜叉乾闥婆阿修羅迦樓羅緊那羅摩睺羅伽，諸比丘比丘尼優婆塞優婆夷俱。」

次言天龍八部及與四衆弟子。天趣與龍，衆所易知，不贅述。夜叉譯爲捷疾鬼。乾闥婆譯曰香陰，食香資陰也，乃帝釋天之俗樂神。阿修羅，譯曰無端、無酒、非天。阿修羅瞋心特重，喜與天戰。有四種阿修羅：一、卵生，

鬼道攝。二、胎生，人道攝，居地下大窟中。三、濕生，畜生道攝。四、化生，天道攝。

迦樓羅卽金翅鳥，兩翅伸張相去三百六萬里。閻浮提只能容其一足。命終後發火自焚，身肉消散，唯心不壞，青瑠璃色。輪王得之，用爲珠寶。帝釋得之，用爲髻中之珠。

緊那羅，舊譯爲人非人，新譯爲歌神，帝釋之歌神也。摩睺羅伽，卽大蟒神也。

此言諸比丘，卽一般比丘也，不同以上之大比丘。比丘是男衆，比丘尼是女衆。優婆塞是在家受五戒的男衆，優婆夷是在家受五戒的女衆。此出在家男女二衆，是佛的四衆弟子。

「大轉輪王小轉輪王，金輪銀輪諸轉輪王。國王王子國臣國民，國士國女國大長者，各與眷屬百千萬數而自圍繞，來詣佛所頭面禮足，繞百千匝。燒香散華種種供養，供養佛已，退一面坐。」

轉輪王於人壽增劫時出現於世。人壽增至二萬歲以上，直至人壽減至八萬歲時，此其間轉輪聖王出現於世。良以衆生善根福德俱深厚故。轉輪王有

四種，卽金輪王，銀輪王，銅輪王，鐵輪王。金輪王主宰四部洲，銀輪王主宰東西南三部洲，銅輪王主東南二部洲，鐵輪王主南瞻部洲。轉輪王有七寶，卽輪寶、珠寶、象寶、馬寶、主藏臣寶、主兵臣寶、玉女寶。

國王是指諸小國王。以及王子國臣國民。士卽是人也，男人曰國士，女人曰國女。

世間長者，須具十德，一、姓貴。二、位高。三、大富。四、威猛，具威儀也。五、智慧甚深。六、耆年歲長。七、行淨。八、禮備。九、上歎。十、下歸。

繞百千匝者繞佛也。繞佛者，表敬慕於佛也。或者有人懷疑若繞佛百千匝，豈不費時太久嗎？須知佛有神力，能令長時化短，令衆生覺得只是須臾頃。

燒香散華作供養也。種種供養略說有其三種。一、敬具供養，如燒香散華等。二、資生具供養，如四事供養等。三、莊嚴具供養，如幢幡寶物等供養。或說十種供養，卽華、香、瓔珞、末香、塗香、燒香、繒蓋幢幡、衣服、伎樂、合掌。或說財、法、觀行等供養。

「其菩薩名曰文殊師利法王子，大威德藏法王子，無愛藏法王子，

大辯藏法王子，彌勒菩薩，導首菩薩，藥王菩薩，藥上菩薩，花幢菩薩，花光幢菩薩，陀羅尼自在王菩薩，觀世音菩薩，大勢至菩薩，常精進菩薩，寶印手菩薩，寶積菩薩，寶杖菩薩，越三界菩薩，毘摩跋羅菩薩，香象菩薩，大香象菩薩，師子吼王菩薩，師子遊戲世菩薩，師子奮迅菩薩，師子精進菩薩，勇銳力菩薩，師子威猛伏菩薩，莊嚴菩薩，大莊嚴菩薩，如是等菩薩摩訶薩八萬人俱。」

前文略舉菩薩數爲八萬人。今舉八萬菩薩之上首，以代表之。

法王子是菩薩別稱，從佛法化生，并能承担如來家業續佛慧命曰法王子。如是等菩薩共有八萬之數。

「是諸菩薩，莫不皆是法身大士，戒定慧解脫解脫知見之所成就。其心禪寂常在三昧，恬安恬怕無爲無欲，顛倒亂想不復得入，靜寂清澄志玄虛漠，守之不動億百千劫，無量法門悉現在前，得大智慧通達諸法，曉了分別性相真實，有無長短明現顯白，又能善知諸根性欲，以陀羅尼無碍辯才，請佛轉法輪，隨順能轉，微涕先墮以淹

欲塵，開涅槃門扇解脫風，除世熱惱致法清涼，次降甚深十二因緣，用灑無明老病死等，猛盛熾然苦聚日光，爾乃洪注無上大乘，潤漬衆生諸有善根，布善種子遍功德田，普令一切發菩提萌，智慧日月方便時節，扶疎增長大乘事業，令衆生疾成阿耨多羅三藐三菩提，常住快樂微妙真實，無量大悲救苦衆生，是諸衆生真善知識，是諸衆生大良福田，是諸衆生不請之師，是諸衆生安隱樂處，救處護處大依止處，處處為衆作大導師，能為生盲而作眼目，聾刺啞者作耳鼻舌，諸根毀缺能令具足，顛狂荒亂作大正念，船師大船師，運載群生渡生死河，置涅槃岸，醫王大醫王，分別病相曉了藥性，隨病授藥令衆樂服，調御大調御，師子勇猛威伏衆獸，難可沮壞，遊戲菩薩諸波羅蜜，於如來地堅固不動，安住願力廣淨佛國，不久得成阿耨多羅三藐三菩提，是諸菩薩摩訶薩，皆有如是不思議功德。」

這一大段文，是讚菩薩有如是之功德。

大士是菩薩的別稱。破無明見法性之菩薩曰法身大士。初地以上之菩薩

，即名法身大士。這八萬菩薩，悉已破無明證法性矣。

戒定慧解脫解脫知見之所成就，是言這八萬菩薩皆已成就五分法身。

遠離過非，持戒功圓，證得法身本來清淨，曰戒法身。

心住實際，除滅一切妄想分別，證得真心體寂自性不動，可成就定法身。

如實知見，契會中道，證得真心體明，自性無闇，可成就慧法身。

解脫者離縛義，離生死義。若證得自體本來無有生死，無有諸累，如是可成就解脫法身。

徹證實相，如實知一切法本來無染。自知我生已盡，梵行已立，所作皆辦，不受後有。并知一切三乘人之所證所得，是名解脫知見法身。

雖然小乘人亦證五分法身，然質實而論，唯佛一人以後得智徹證五分法身也。

其心禪寂，常住三昧。三昧者定也。小乘人有入定出定，大乘人無有出入。以行住坐臥一切時中，無非是定也，故曰常住三昧。

以其心常寂定故，所以能恬安澹泊無爲無欲。以無爲無欲故，於是一切顛倒亂想不能入。因爲定力所持，所以其心能夠靜寂清澄，而其志慮玄通無

碍，虛漠無著。如是縱經億百千劫，總是妙湛寂止，不動不搖。

無量法門悉現在前，是智慧通達，親證無量諸法，故曰悉現在前。

是等菩薩摩訶薩，以大智慧悉能通達諸法。菩薩智慧真正明了，如實知諸法悉以無性爲性。以諸法無自性故，所以得隨緣幻成諸相。而諸法相隨緣幻成，幻成之相定無自性。菩薩如實知無性幻有，故能於一知無量。菩薩如實知諸法幻有無性，故能於無量知一。如是性相真實，無有顛倒。一切有無長短等諸法相，無不顯現明了。

如是八萬大菩薩，悉能曉了五乘衆生之根性欲。有云過去者名根，現在者名欲，未來者名性。有云過去所習名性，現在欣樂名欲，深心所著名根。所謂根者，衆生之根機也。衆生根機有上中下之分，如利根者稱上根，鈍根者稱下根，中庸者稱中根。再如信進念定慧等五根皆是。

性名積習，積習既久，於是成性。所謂欲者，係信喜好樂之謂也。如有好五欲者，有好名聞者，有好世間財利者。再如有好出家修道，有好持戒，好信，好施，好頭陀遠離，好禪，好智慧，好多聞，好毘尼，凡夫之人好姪怒痴等，皆名爲欲。